

Baiq Yahyauz Bouxcuengh

□ Maj Veiyungz comz hoiz



▲ Vunzmbanj siuyieng baiq Yahyauz.



▲ Vunzmbanj hophumx miuh Yahyauz diuqfoux.

◀ Saeceij yat foux baiq Yahyauz.

Baiq Yahyauz Bouxcuengh dwg aen sibgvenq ndaw beksingq Bouxcuengh daegbied ndeu laeng Denzlinz Yen Lucwngz Yauzcuz Yang Mbanjrunghgvangh. Aen sibgvenq neix gig miz lizsij, biujyienh ok gij cingsaenz Cuengh, Yauz song aen minzcuz cungbyoengq yawjmbieng gwnzbiengz, doxgiet doxhuz, roengz-rengz hoenxguh haenx. Moix bi liggaueq ndwencieng ngeihhaj, aen mbanj neix cungj cujciz vunzmbanj banh aen hozdung caeqbaiq Yahyauz neix.

Cienznaeuz, doenghbaez miz dabsau Yauzromj gyaundeid ndeu, caeueq Mbanjrunghgvangh daegmbauq ndeu doxmaij lo. Seizhaenx, Cuengh, Yauz song cuz gimq doxaeu, hoeng songde doxiu ngoenz ndwencieng ngeihhaj gyanghhaemh youq gwnz bo doiqfwen cienzcingz, caegcaeg dingh gig saeh songde, doeklaeng songde buq gij gvigawj song cuz, couh gapbaenz gvanbaz. Dabsau neix haq daengz Mbanjrunghgvangh le, yungh gij dinfwngz ywbingh ak de bang vunzmbanj ywbingh ywsieng, ngoenz-ciet youh cujciz vunzlai banh hozdung, hawj aen mbanj neix hwngfat hwnjdaej. Vunz couh heuh de guh "Yahyauz". Gvaqlaeng moix bi liggaueq ndwencieng ngeihhaj, vunzmbanj couh banh baenzdauc cienzdoengj hozdung lumjbaenz dwk-gyangq, dwkcik, dwkyienq, loengh saecej, bau daehman, mbokfaiz doiqfwen, Heiqcuengh biujyienj, ngaiz daizraez daengj, biujdap gyoengqde ndiepgyaez caeueq geiq-niemh buzcoj "Yahyauz".

Ngoenz ciet haenx, daengx mbanj vunz cungj ndang daenj buhvaq gyaundeid, doxcomz youq diegbingz baihnaj miuh Yahyauz cungqgyang mbanj haenx, banh gij hozdung caeqbaiq Yahyauz. Gyoengqvunz gagrox daj ranz dawz haeux, laeujhaeux, fwnz daengj

doxgaiq bae camgya hozdung. Gyoengqde faenhong cingcuj, vunzsai gaj mou, gaj gaeq, gaj yiengz; vunzbaz couh duk haeuxfaengx, daem ceiz, guh haeuxsei; vunzlaux cix youq ndaw miuhdangz baij gij mou, gaeq, bya, haeuxfaengx, ceiz, haeuxsei daengj doxgaiq cawj cug haenx, ciuq sibgvenq daej banh gij yizsiz caeqbaiq Yahyauz.

Youq aen hozdung yienhciegz "baiq Yahyauz", miz canghfwen ndang daenj buhvaq minzcuz cienzdoengj daej doiqfwen, caemh miz minzcuz cienzdoengj diuqfoux biujyienj lumjbaenz foux doengzlingz, foux nyenz. Bouxai, mehmbwk, vunzlaux, lwngyez cungj gyahaeuj hozdung bae, fwngz rag fwngz caez diuq foux, angqyangz raixcaix.

Doengxhaemh, ciengz diuqfoux baiq Yahyauz ceiq nauhyied haenx couh hainduj lo. Haidaeuz dwg song duz saecej vifung okdaej gonq, sing gyonglaz, sing hemqndei, sing riu, sing bauqciengh gyukgyadgyad yiengj hwnjdaej, haprwenz youq aen lueg hoengqvangvang neix. Gaendauej, cib lai boux vunzsai cangqak ndang daenj gij buhvaq Yauzcuz lai cungj saek caeueq yienghsik haenx, daep gij mauhnggei lai cungj lai yiengh bae cang baenz Yahyauz. Gyoengqde fwngz rag fwngz humx baenz aen

gvaengx hung ndeu, fid fwngz, vangh ga miz siengq miz yiengh dangqmaz, riengz fuengyiengq aen cung byaij cienq dwk mbouj dingz, doq eu fwen doq diuq hwnj foux cienqgien vuenheij daej. Bouxyawj yienhciegz caemh riengzdwk ciengq hwnjdaej: "Cingj Yahyauz gingqgyaez yienjlingz, baujyouh lwglan cangqewt, bingzan!" "Cingj Yahyauz saenzswng nyokfuk, baujyouh fwn-raemx ndaej yinz, guek ak minz an!" Baez ciengq daengz diemj doxangq seiz, bouxyawj caez daihsing ciengq dwk hoizdap, gyoengqde nyinhnaeuz vunz ndaej hanhaemq cix dwg ndaej fukheiq lo.

Bi 2010, baiq Yahyauz Bouxcuengh ndaej senj hauej buek daihsam swcigih gaep feihvuzciz vwnzva yizcanj mingzloeg.



▲ Yizsiz caeqbaiq Yahyauz.



▲ Mbauq sau gaem mbokfaiz doiqfwen.



▲ Bouxcoz bau daehman dem anevanz.



▲ Laeujvan gingq bouxhek.



▲ Baij ngaiz daizraez cawj hek caemhdaiz angq gvaq ciet.



▲ Vunzmbanj Cuengh Yauz gingq laeuj cingz naeknaz.